

SIPA UHAPŠENI SVODNICI I UCJENJ VAČI Direktor hotela vođa kriminalaca

Skandal Sarajevski biznismen Alen Čengić, vlasnik restorana "Park prinčeva" i direktor hotela "Holidej", označen kao vođa dvije kriminalne grupe i organizator prostitucije



UTAJIO STOTINE HILJADA MARAKA POREZA Alen Čengić

Snježana Karić Sarajevo

Pripadnici SIPA uhapsili su juče 16 lica, u odvojenim policijskim akcijama "Koral" i "Tango" čiji je cilj bio hapšenje dvije kriminalne grupe, osumnjičene za organizovani kriminal, poreske utaje i navođenja na prostituciju!

Kako saznaje Press, među uhapšenima se nalazi sarajevski biznismen Alen Čengić (41), vlasnik restorana "Park prinčeva" i direktor hotela "Holidej", koji je označen kao vođa obje kriminalne grupe i jedan od glavnih organizatora prostitucije koja se odvija u objektima pod njegovom kontrolom.

Stečaj

Lisice na ruke stavljene su, između ostalih, i Vahidu Aliću (50), koji je ranije bio šef osiguranja u hotelu "Holidej", i jedan od najbližih Čengićevih saradnika, te bivšim radnicima pomenutog hote-

la Adisu Skorupanu (37) i Sabini Bajraktarević (52). Uhapšeni su i Čengićevi saradnici Adnan Hadžibajrić (38), Mehmed Puškić (44) te Jasmin Kulenović (38).

Nezvanično saznajemo da je ova akcija rezultat višemjesečne istrage, koja se odnosi na rasvjetljavanja kriminala u sarajevskom hotelu "Holidej". Istražiocima su utvrdili da je Čengić, uz pomoć svojih saradnika, utajio na stotine hiljada maraka poreza, a paralelno s tim je u sklopu navedenog hotela organizovao i prostituciju. Djevojke su navodno svoje usluge prodavale za oko 250 KM, od čega su veći dio novca za sebe uzimali Čengić i ekipa.

Ne želeći da potvrdi imena uhapšenih, u SIPA su naveli da je akcija sprovedena na širem području Sarajeva gdje osumnjičene osobe imaju prijavljene adrese stanovanja. Pojasnili su da je u sklopu akcije "Koral" uhapšeno 11 lica, među kojima i prvoosumnjičeni Čengić, a na teret

im se stavlja organizovani kriminal u vezi sa krivičnim djelima poreska utaja, ugrožavanje bezbjednosti, sprečavanje službenog lica u vršenju službene radnje, oštećenje tuđe stvari, teške krađe i organizovanje otpora.

- Prvoosumnjičenog A. Č, pored navedenih krivičnih djela, dovode i u vezu sa navođenjem na prostituciju. Ostali uhapšeni u akciji "Ko-

Istraga zbog višemilionskih utaja

Hotel "Holidej" zatvoren je u junu ove godine zbog sumnje u višemilionsku utaju poreza. Nakon toga u hotel su ušli pripadnici SIPA koji su pretresli objekat i izuzeli fiskalne kase i dokumentaciju. Podsjećamo, prethodno je Opštinski sud u Sarajevu, u aprilu ove godine, postavio Nedima Memića za stečajnog upravnika u hotelu "Holidej". Čengiću i njegovom menadžentu je tada zabranjeno korišćenje hotela i parkinga, nakon čega je desetak radnika, među kojima su bili Hamzić, Alić, i Bajraktarevićeva, stupilo u štrajk glađu. Alić, koji je inače, godinama važio za žestokog moćnika u Sarajevu, a i predsjednik je Udruženja "Zelenih beretki" Stari Grad, tada je uhapšen zajedno sa Adisom Skorupanom, zbog krivičnog djela organizovanje otpora.

Page: 10

Reach: 0

Country: BOSNIA AND HERZEGOVINA

Size: 393 cm2

2 / 2

ral" su A. H. (38), M. P. (44), V. A. (50), J. K. (38), S. B. (52), J. Š. (53), E. S. (28), D. I. (30), A. S. (37) i H. M. (38). Oni su osumnjičeni da su od jula 2014. do juna 2015. godine, radi pribavljanja protivpravne imovinske koristi, posredstvom pravnog subjekta "Holidays resort", upravljali i raspolagali većim dijelom imovine hotela "Holidays" Sarajevo, koji je bio u stečaju. Osumnjičeni su organizovali poslovanje pomenutog hotela, kontrolisali prihode i rashode i druge vidove kontrole nad radom tog objekta - naveli su u SIPA. Osumnjičena

grupa je, kako dodaju u SIPA, u tu svrhu koristila usluge njima odanih lica, kao što su IT stručnjaci, koji su im protivzakonito instalirali softverske programe i određene aplikacije posredstvom kojih su prikrivali stvarne podatke o stečenom prihodu. Na taj način su izbjegli plaćanje poreskih obaveza u iznosu od više stotina hiljada maraka.

Ucjene

U SIPA ističu da su, pored navedenog, članovi ove kriminalne grupe koristili razne vidove ucjena, prijetnji, zastrašivanja, fizičkih napada i druge vrste pritisaka usmje-

renih na ličnu i imovinsku bezbjednost lica, koje je postavljeno za stečajnog upravnika hotela "Holidays" i drugih radnika, te uži članova njihovih porodica.

- Na taj način su kod njih izazivali strah i nepovjerenje u policijske i pravosudne organe - navode u SIPA. Ističu da je preostalih pet lica uhapšeno u sklopu akcije "Tango", a riječ je o S. D. (46), K. E. (41), A. K. (30), E. LJ. (33) i S. Z. (27). Njima se na teret stavlja krivično djelo navođenje na prostituciju.

- Ova lica osumnjičena su da su učestvovala u organi-

zovanju i vođenju pružanja seksualnih usluga, tako što su ostvarivali kontakte sa korisnicima i posredovali u dogovaranju pružanja seksualnih usluga - navode u SIPA. Članovi grupe, na čijem se čelu takođe nalazio Čengiđ, osumnjičeni su da su na dogovoreno mjesto prevozili lica koja su pružala seksualne usluge, a zatim dolazili po njih. Za navedene usluge, kako navode u SIPA, naplaćivali su 25 odsto od dogovorenog iznosa za pružanje seksualne usluge.